

*Poesia in dialetto*  
*"SGUNDEN"*

*I maringón*

In tött i buregh dal paés, in dal frasiòn,  
'na volta a gh'era quaranta maringón.

Maringón da gros, da mobil, da sütil,  
cm'al legn i faven da tött e abota ativ.

Tant "garzón" da Ugo Cucunèl, da Chicón Liberat,  
dai Gualasén, Montverd, Vigión, Zileri, Pelagat;

i magiur lavur ien elencà un pò a la rinfüsa,  
ma in tött al buteghi a gh'era la so cultüra.

Mobil in general dai fradei Gualasén,  
i limpeven la butega dal cumerciant Ién.

Mobil in dal buteghi di Le Marchi; da Alfieri  
cambri da lèt, sali implisadi con cristalieri.

Car, cariàsi dai Zani, da Camural Gigén,  
tìbar, baréti, castladón da Frasén.

Bari, barachéni, pistuiesi, serament da Montverd,  
porti, purtón da Vigión Pompeo con mobil e serament.

Mobil, bóti e mustaduri da Taiavén,  
mobil da ufisi e da Césa intaià da Mèmo 'd Pighén.

Rödi, casón da caretér dai Pelagat,  
tramogi da mulén con pali e ingranag'.

Fasèri da furmai, sparsur, rüdèli da Aldo dal Suién,  
suión, suiöli, navasöi, gramli da Pepino al Suién.

Prét da fögh a lèt, zù, rastei e curbèli dai Muntagna,  
atrès par l'inverén e par la campagna.

Par San Giüsèp (patrono) prans di maringón,  
a la sira "Bocchia e Galli" in super veglión.

Adès a ghn'é quasi pö ad maringón,  
a gh'é al "fai da te" cm'al növi invensiòn.



*Remo Allegri*  
(poeta e maringón)